

**Nunatsinni avatangiisinut aningaasaateqarfimmik pilersitsinissaq sulissutigeqqullugu kiisalu Inatsisartut aningaasanut inatsisaanni konto 24.11.23-mi naatsorsuutit, nukissiornemi ikummatissanut avatangiisit pillugit akitsuutikkut isertitat avatangiisinut aningaasaateqarfimmut atugassanngorlugit immikkoortinneqartalernissaat sulissutigeqqullugu Naalakkersuisut peqquneqarnissaannik Inatsisartut aalangiiffigisassaattut siunnersuut.**

(Inatsisartunut Siumup ilaasortaaitai)

### **Akissuteqaat**

(Pinngortitamut Avatangiisinullu Naalakkersuisoq Kim Kielsen)

### **Aappassaanneerpeqarnera**

Naalakkersuisut sinnerlugit Eqqissisimatitsinermut Avatangiisinullu Ataatsimiititaliaq aalajangiiffigisassatut siunnersuutip suliarineqarneranut atatillugu peqqissaartumik suliaqarneranut aammalu aappassaanneerinninnissamut isumaliutissiissuteqarneranut qutsavigaara.

Naalakkersuisut nuannaarutigalugu maluginiarpaat ataatsimiititaliami amerlanerussuteqartut siunnersuutip Inatsisartuni akuerineqarnissaa kiisalu allannguutissatut siunnersuut saqqummiunneqartoq itigartinneqassasoq inassutigigaat.

Ataatsimiititaliap oqaaseqaatai suliaqarnerup ingerlaqqinnerani ilanngunneqassapput.

Tamanna tunngavigalugu siunnersuutip akuerineqarnissaa Naalakkersuisut inassutigaa.